

Виноградник ик олз өгна

Яшалтинск района Буденнә нертә колхозин чледүд дунд делгү ик дөрлдән кегджд йовна. Эн дөрлдәнд Илья Григорьевич Науменкон гард-врт бәәх садоводческ бригад үзмджтә кōдлмш кеджәнә. Эдн 22 гектар виноградник, 29 гектар сад болн 9 гектар тарус хәләдж-хардж өсгджәнә.

Виноградин ургъц цуглу-лгън экләд арв гар хончкв, нег гектарас гарцнь 50 цент-нер болджана. Эн өдрмүдт 300 центнер ургъц цуглу-лдж авгдв, энүнә ик зунь колхозин складт өггддж, кол-хозн базрур йовулгдв, багъ хүвнь улан чагър келгънд өггдв. Шин ургъцин виногра-дас 6 минъгън литр улан чагър кедж гаргъгдв.

Ода деерән зургъахи гек-тар газрас виноградин ургъц цуглулгдв. Үлдсн газраснь багъ гихдән 700 центнер ургъц авгдх гидж тоолгдджа-на, энүг цуглулад авхла, 200 минъгън арслиъга ору колхозд орхми.

Эн бригад тарвсас бас сән ургъц авб. Тарвсан модн хоо-рндагъур тәрәд, ургъцинь цуглулад авсаннь хөөн, хам-тхасарнь виноградин мод үв-лин кинтнәс халхлдж орахар белддж авб.

Чидлән әрвлго шундж А. Бутенко, Д. Дмитриенко, А. Припутнева, Л. Скоробо-гатова кōдлджәнә. Эн джил А. Бутенко, Д. Дмитриенко хойр Соленовск дундин шко-лин 10-ч класс чиләчкәд, кол-

хозд ирдж кōдлджәнә. Эдн, өминь колхозд кōдлджәсн әмт-нәс үлддж йовхш, теднәс ви-ноградник болн сад ягълж хәләдж асрхиг дасдж авчац-хана, ургъц цуглулдж ав-лгъна кōдлмшәр болхла цугъараднь үтгүр үзүлджәнә. Сургъуль сурхан чигн эн күүкд мартджахш. Кōдлмшә-ри медрлән батли бәәддж, эдл-ахун ах сургъульд орхар эдн белдджәцхәнә.

Ода намрар сад тәрлгънд болн хаврин виноградник тәр-лгънд белдвр кегдджәнә. Ирх хойр джилин эргцд сад болн виноградник бәәх газрнь хойр холван икдхми. Мод тәрх газрнь хагълата, сән кевәр джөблткәд белдчксн бәәнә.

В. ДЕМЬЯНОВСКИЙ,